

ZAPISNIK
SA XV PROŠIRENE SJEDNICE UPRAVNOG ODBORA
UDRUŽENJA POSLODAVACA FBiH

održane dana 18.07.2018. godine (srijeda), sa početkom u 12:00 sati u prostorijama Grupacije poslodavaca ZE-DO Kantona (Zgrada ZEDE II sprat), Poslovna zona Zenica 1., Zmaja od Bosne bb, u Zenici.

Sjednici su prisustvovali članovi Upravnog odbora UPFBiH: Adnan Smailbegović, Safudin Čengić, Kemal Čolak, , Suad Ećo, Izet Imamović, Ramiz Grapić, Adisa Karahodžić i Snježana Kopruner.

Sjednici su po ovlaštenju članova Upravnog odbora UPFBiH prisustvovali: Darko Josipović (po ovlaštenju Tomislava Sliškovića), Nedžad Sadić (po ovlaštenju Rusmira Hrvica), Željko Marjanović (po ovlaštenju Vilima Primorca), Sadeta Filipović-Abduzaimović (po ovlaštenju Nijaza Skenderagića), Edin Ibrahimpašić (po ovlaštenju Kemala Hrnjića) i Hazim Huskić (po ovlaštenju Nurdina Peštalića).

Sjednici nisu prisustvovali članovi Upravnog odbora UPFBiH: Mario Čulina, Sanel Kusturica, Ante Suton, Krasnodar Darko Petrović, Eldin Hadžiselimović, Marin Raspudić i Enisa Bekto, koji su opravdali svoje odsustvo.

Ispred UP FBiH: Mladen Pandurević i Mersiha Jusić.

Sjednicu je otvorio predsjednik Upravnog odbora UP FBiH Adnan Smailbegović i predložio slijedeći:

DNEVNI RED

1. Usvajanje Zapisnika sa XIV sjednice Upravnog odbora UPFBiH;
2. Zauzimanje stavova UPFBiH po pitanju: „Šta poslodavci očekuju od vlasti?“;
3. Razmatranje Inicijative Privredne komore FBiH za povrat uplaćenih sredstava na ime carine za uvoz mašina i opreme za proizvodnju;
4. Razmatranje Inicijative za saradnju sa Prag d.o.o.;
5. Imenovanje člana i zamjenika člana Interresorne radne Grupe u vezi izrade Trećeg periodičnog izvještaja BiH po Međunarodnom paktu o ekonomskim, socijalnim i kulturnim pravima;
6. Tekuća pitanja;

Dnevni red je uz navedene prijedloge usvojen jednoglasno.

Prije nego što se prešlo na raspravljanje po tačkama dnevnog reda prisutnim se obratio Nurđehan Šahinović, Ministar za rad, socijalnu politiku i izbjeglice ZE-DO Kantona. U pozdravnom govoru je istakao da je socijalni dijalog na području ZE-DO Kantona na veoma visokom nivou te da se sjednice održavaju redovno. Ministar je također pozdravio inicijative UPFBiH koje se odnose na izmjenu Zakona i Pravilnika Vlade te dao podršku.

RASPRAVLJANJE PO TAČKAMA DNEVNOG REDA

Tačka 1. Usvajanje zapisnika sa XIV proširene sjednice UO UP FBiH

Predsjednik UO je obavijestio članove UO UP FBiH da su dobili materijale za sve tačke dnevnog reda uključujući i Zapisnik i zamolio da se izjasne da li imaju primjedbi. Također je napomenuo da je zapisnik dostavljen odmah nakon održavanja sjednice svim članovima UO i da na pomenuti zapisnik nije bilo pismenih primjedbi.

A.D.1.: Zapisnik sa XVI proširene sjednice UO UP FBiH je jednoglasno usvojen.

Tačka 2. Zauzimanje stavova UPFBiH po pitanju: „Šta poslodavci očekuju od vlasti?“;

U okviru ove tačke dnevnog reda predsjednik UO je prisutnima prezentirao 17. zakona koji su od značajnog interesa za poslodavce i za koje će poslodavci tražiti donošenje novih ili izmjenu postojećih Zakona. UPFBiH će tražiti izmjenu ili donošenje sljedećih zakona:

1. Zakon o izmjenama i dopunama Zakona o zdravstvenom osiguranju;
2. Zakon o finansijskom poslovanju;
3. Zakon o izmjenama i dopunama zakona o profesionalnoj rehabilitaciji, osposobljavanju i zapošljavanju osoba sa invaliditetom;
4. Zakon o izmjenama i dopunama zakona o privrednim društvima;
5. Zakon o registraciji privrednih društava;
6. Zakon o stečaju;
7. Zakon o zaštiti na radu;
8. Zakon o štrajku;
9. Zakon o mirnom rješavanju sporova;
10. Zakon o posredovanju u zapošljavanju i socijalnoj sigurnosti nezaposlenih osoba;
11. Zakon o porezu na dohodak;
12. Zakon o doprinosima;
13. Zakon o porezu na dobit;
14. Zakon o izmjenama i dopunama Zakona o privatizaciji;
15. Zakon o izmjenama i dopunama Zakona o fiskalnim sistemima
16. Zakon o izmjeni Zakona o cestovnom prometu
17. Zakon o racunovodstvu i reviziji

Za pripremu Zakona UPFBiH je angažovalo eksterne eksperte koji na bazi prijedloga i sugestija poslodavaca pripremaju finalne verzije tektova Zakon ai izmjena i dopuna Zakona. Eksterni eksperti su ugledni profesori i stručnjaci sa pravnog i ekonomskog fakulteta.

Od navedenih Zakona pet zakona koje je Udruženje poslodavaca FBiH uputilo u oba doma parlamenta prioritarno i da na njihovom donošenju treba insistirati. Naime UPFBiH je uputilo Parlamentu FBiH prijedlog izmjena i dopuna Zakona o zdravstvenog osiguranja, Zakona o fiskalnim sistemima, Zakona o privatizaciji preduzeća, Zakona o cestovnom prevozu i Zakona o profesionalnoj rehabilitaciji, osposobljavanju i zapošljavanju lica sa invaliditetom.

Riječ je o zakonima za koje nije potrebna politička podrška, a čije izmjene i dopune nisu obimne te mogu ići u hitnu proceduru. Usvajanjem ovih prijedloga zakona, bitno bi se olakšalo poslovanje, smanjilo bi se opterećenje rada i siva ekonomija, povećale konkurentne sposobnosti privrednih subjekata, te bi se doprinijelo novom zapošljavanju u Federaciji Bosne i Hercegovine. Za pet navedenih Zakona UPFBiH je već dobilo i podršku od oba doma Parlamenta kao i od pojedinih stranaka.

Također predsjednik je informisao da je jedna od prioritenih aktivnosti, na kojoj rukovodstvo UPFBiH radi i lobira kod vladajućih stranaka, inicijative koje je pokrenulo UPFBiH:

- Inicijativa za izmjene i dopune Poslovnika Vlade FBiH;
- Inicijativa za izmjene i dopune Poslovnika Predstavničkog doma Parlamenta FBiH;
- Inicijativa za izmjene i dopune Poslovnika doma naroda Parlamenta FBiH;
- Primjedbe u formi amandmana na Prijedlog Uredbe o procjeni uticaja propisa;
- Inicijativa za izmjene i dopune Pravila i postupaka za izradu zakona i drugih propisa FBiH;
- Zahtjev za formiranje koordinacionog tijela za parafiskalne namete u FBiH.

U diskusiji su učestvovali članovi UO koji su dali svoje prijedloge.

Snježana Kopruner je predložila da se vezano za Zakon o zdravstvenom osiguranju da UPFBiH dobije informacije na nivoima kantona vezano za refundiranje troškova bolovanja.

Ekrem Oruč je predložio da se u Zakonu o reviziji i računovodstvu predloži da u kompanijama koje su u 100% privatnom vlasništvu nije obavezna revizija. Također predložio je da se pokrene inicijativa za oslobađanje plaćanja putarine na lož ulje koje se ne koristi za transport. Odnosno lož ulje koje se koristi u proizvodnji treba osloboditi od plaćanja putarine.

Edin Ibrahimpašić je predložio da se u Zakonu o stečaju definiše da firme koje duže vrijeme imaju neaktivne račune po sili ZAKONA AUTOMATSKI IDU U STEČAJ. Dakle, potrebno je pronaći mehanizam i način za rješavanje ovog problema. To se jedino može uraditi kroz novi Zakon o stečaju.

Ismet Begić je također vezano za Zakon o stečaju istakao da je potrebno ubrzi likidaciju i formirati privredne sudove jer problem u praksi je da je lakše registrovati firmu nego je ojaviti.

Safudin Čengić je istako da postoji realna opasnost da u velikom broju Zakona koje će pripremiti UPFBiH budu odbačeni Zakoni koji su od izuzetne važnosti. Predlaže da Upravni odbor treba donijeti Odluku koji su to Zakoni na kojima treba raditi i na kojima se trebamo fokusirati.

Ećo Suad je istakao da je dobra je ideja da se pregovara sa političkim strankama, međutim predložio je da se razmisli o promjeni strategije pregovaranja.

Zoran Gazibarić je vezano za Zakon o profesionalnoj rehabilitaciji, osposobljavanju i zapošljavanju osoba sa invaliditetom istakao da Fondu nije u interesu da se zapošljava invalid, te kroz izmjene i dopune Zakon treba definisati odredbe koje će stimulisati zapošljavanje invalida.

Snježana Kopruner je također vezano za ovaj Zakon ipredložila da se sa ekspertima provjeri da li postoji mogućnost da se napravi razlika između djelatnosti jer nije isto zaposliti invalida u građevini i u nekim javnim institucijama.

Nakon diskusije doneseni su sljedeći zaključci:

A.D.2.1. UO je u potpunosti podržao inicijative koje su pokrenute od strane UPFBiH.

A.D.2.2. Upravni odbor je jednoglasno donio odluku da je pet zakona koje je Udruženje poslodavaca FBiH uputilo u oba doma parlamenta prioritetno i da na njihovom donošenju treba insistirati i lobirati kod vladajućih stranaka.

A.D.2.3. Stručna služba će još jednom sve prijedloge Zakona i izmjena i dopuna zakona koje su pripremljene dostaviti članovima UPFBiH kako bi mogli dati svoje primjedbe, prijedloge i sugestije.

A.D. 2.3. UO je jednoglasno zaključio da će za sve zakone do kraja avgusta biti pripremljene konačne verzije u formi Zakona ili izmjene i dopune Zakona koje će se, nakon usvajanja od strane UO uputiti izvršnoj i zakonodavnoj Vlasti.

Tačka 3. Razmatranje Inicijative Privredne komore FBiH za povrat uplaćenih sredstava na ime carine za uvoz mašina i opreme za proizvodnju;

Vežano za ovu inicijativu predsjednik Smailbegović je istakao da je inicijativa Privredne komore FBiH dobra i da UPFBiH treba da da podršku.

Nakon diskusije donesen je sljedeći zaključak:

A.D. 3.1. Upravni odbor je podržao inicijativu i aktivnosti privredne komore uz zaključak da će se UPFBiH po potrebi uključiti u aktivnosti vezano za ovo pitanje.

Tačka 4. Razmatranje Inicijative za saradnju sa Prag d.o.o.;

Vežano za ovu tačku dnevnog reda predsjednik je upoznao prisutne da je PRag doo dugogodišnja članica Udruženja poslodavaca FBiH, te da Business magazine niz godina prati i u poslovnoj

zajednici promovira aktivnosti UPFBiH i da dosadašnju saradnju možemo ocijeniti kao uspješnu i obostrano korisnu.

S tim u vezi Prag d.o.o. predlaže realizaciju zajedničkog projekta na osnovu kojeg sve članice Udruženja poslodavaca FBiH koje se pretplate na Business magazine preko Udruženja poslodavaca FBiH ostvaruju pravo popusta na godišnju pretplatu.

Godišnja pretplata na Business magazine iznosi 250 KM sa uključenim PDV-om, a za članice Udruženja poslodavaca FBiH koje se pretplate putem Udruženja, godišnja pretplata iznosi 200 KM sa uključenim PDV-om.

Nakon diskusije donesen je sljedeći zaključak:

A.D. 4.1. Upravni odbor je podržao saradnju sa Prag d.o.o. Svim članicama UPFBiH će biti dostavljena informacija o saradnji.

Tačka 5. Imenovanje člana i zamjenika člana Interresorne radne Grupe u vezi izrade Trećeg periodičnog izvještaja BiH po Međunarodnom paktu o ekonomskim, socijalnim i kulturnim pravima;

Predsjednik je istakao da je Ministarstvo za ljudska prava i izbjeglice Udruženju poslodavaca FBiH dostavilo poziv za nominaciju proširenog saziva člana/članice Radne grupe u vezi izrade Trećeg periodičnog izvještaja BiH po Međunarodnom paktu o ekonomskim, socijalnim i kulturnim pravima. Potrebno je imenovati člana i zamjenu člana Radne grupe. Radna Grupa ima zadatak da po zaduženjima po institucijama po Zaključnim Zapažanjima po Međunarodnom paktu o ekonomskim, socijalnim i kulturnim pravima u kojoj su navedena pitanja, pripremi odgovore.

Prijedložio je da se za člana Radne grupe imenuje Zlatan Dedić a za zamjenika Vedrana Živković.

Obzirom da nije bilo drugih prijedloga donesen je sljedeći zaključak:

A.D. 5.1. Za člana Interresorne radne Grupe u vezi izrade Trećeg periodičnog izvještaja BiH po Međunarodnom paktu o ekonomskim, socijalnim i kulturnim pravima imenovan je Zlatan Dedić. Za zamjenika člana imenovana je Vedrana Živković. Imenovani su dužni da učestvuju u radu rade grupe i o tom informišu UO.

Tačka 6. Tekuća pitanja

Pod tekućim pitanjima potvrđena je Odluka IO broj -098/18 od 03.05.2018. godine o usvajanju knjige grafičkih standarda Udruženja poslodavaca FBiH.

Također, razmatrano je o prijedlogu Safudina Čengića da Udruženje poslodavaca uvijek treba da reaguje kada su u pitanju enormno povećane cijene i uvođene svakog novog nameta.

Gdin. Adnan Smailbegović je istakao da je PRESS Konferencija UPFBiH zakazana za sutra 19.07.

2018. godine i pozvao gosp. Čengića da na PRESS Konferenciji iznese navedeni problem.

Raspravljano je o radu ESV-a na prijedlog Zorana Gazibarića. Upravni odbor je zauzeo stav da obzirom na situaciju kod socijalnih partnera delagacija ESV-a poslodavaca se može jednom mjesečno sastati bez druga dva socijalna partnera i svoje stavove prezentirati javnosti.

Također raspravljano je i odgovornosti poslodavca za prekršaje po svim Zakonima. U tom smislu UO je zauzeo stav da se u svim Zakonima treba predložiti rješenje da se odgovornost sa odgovorne osobe prenosi na izvršiocu u slučajevima u kojima odgovorna osoba nije kriva. Kao primjer se navodi slučaj ne izdavanje racuna od strane radnika kada je odgovorna osoba obezbijedila sve prethodne uslove. U tom slučaju kažnjava se i odgovorna osoba.

Sjednica se završila u 14:20 sati
Zapisnik sačinila: Mersiha Jusić

Predsjednik UO

Adnan Smailbegović